



11. september 2020

UKA 2020/60

Inatsisartut ingerlatsinermut maleruagassaani § 36 malilugu matumuuna apeqquteqaat aallaavigalugu oqallisissatut siunnersuutigarpur:

Apeqquteqaat aallaavigalugu oqallisissatut siunnersut, qanoq ililluta suliffeqarfiit inissaqartitsinerusut pilersissinnaanerigut imaalillugit, inuit timikkut tarnikkullu innarluutillit ullumikkumiit annertunermik inuiaqatigiinni tapertaanerulersillugit.

(Demokraatit Inatsisartuni gruppiat)

Inuit amerlanerpaat ilinniakkamik aallartitserusuttarput imaluunniit suliffeqalerlutik. Tassunga peqqutaavoq, uagut inuttut inunnt qanittuugatta alapernaatsuullutalu, ineriartorusuttut pitsaanerpaamillu inuuneqarusuttut. Tamannalu suliffeqarfimmut orniguttarnikkut iluaqutaasinnaavoq.

Avaqqussinnaangilarpulli, inoqartuartaussaammat, soorlu assersuutigalugu timikkut imaluunniit tarnikkut innarluuteqarnertik pissutigalugu allanut naleqqiullutik tunniussisinnaasut. Qanorluunniit piumatigigaluarunik.

Ukiuni amerlavallaartuni inuit taakku ikiorniarlugit suliniuteqanngippallaarsimaavugut ilinniagaqarnissaannut- aamma suliffeqarnissaannut. Suliffeqarfiutigit inissaqartitsinngippallaarput inunnik innarluuteqartunik sulisitsinissaminnut.

Demokraatit tungaanniit isumaqarluinnarpugut, inuit innarluutillit inuuniarnermikkut aammalu imminnut pingaartinnerat malunnartumik qaffassagaluartoq suliffeqartuugunik. Ajoraluartumilli inuiaqatigiittut kipparippallaamik eqqarsariataartarpugut, tamaaliornittalu kingunerisarlugu, inuit innarluutillit inissaqartippallaannginnerat. Ajuusaarnaqaaq. Upperaarput, inuit innarluutillit suliffeqarfinni pitsaasumik tunniussaarsinnaanerat, suliffeqarfiit imatut aqqissuussinnaalerutsigit, taakku inuit aamma inissaqartissinnaalerlugit.

Taamaattumik isiginiartariaqarparput, suliffeqarfiit qanoq ilioruttaa inissaqartitsinerusut kikkunnt tamanut inissaqartitsisut pilersissinnaanerlugit. Siullermik pingaartuavoq, suliffeqarfiit tamarmik innarluutilinnut piukkunnarnerusunngorlugit suliarineqassapput. Tassani eqqarsaatigaagut isertarfiit aamma sulinermut tunngasut. Aappaattut pitsaassaaq ullup ilaannaatigit sulinerup aamma nikerartumik sulinerup periarfissaai misissoraanni – angerlarsimaffimmiit sulisinnaaneq kapukartuullugu. Tassani COVID-19-eqalernera ilaatigit peqqutaataavoq pinngitsaalilluta qanoq iliorluta sulinissatsinnik nutaanik eqqarsalersimmatigit, tamannalu atorluartariaqarparput suliffeqarfinnik inissaqartitsinerusunik pilersitsinermi.

Tassunga atatillugu pingaartuavoq, Namminersorlutik Oqartussat, kommunit, sulisitsisut kattuffii aamma sulisartut kattuffiisa suleqatigiinnissaat pitsaanerpaamik sinaakkusiiniarlutik. Imaassinnaavoq nutaamik eqqarsarluni nukinnik- aamma sulileqqitsitsiniaaneq ingerlallugit, sunniuteqarluaruni suliffissanik pilersitsinnaasoq, inunnt timimikkut tarnimikkullu innarluutilinnut tulluuttunik.



Demokraatit qularutiginnngilluinnarpaat, suliniutit taama ittut inunnut pineqartunut inuuniarnermikkut nuannaarnermik inuunerinnerulernermillu pilersitsisinnaasut, taamatullu qularutiginnngilluinnarparput, suliffeqarfinnut pitsaasumik kinguneqarumaartoq.

Taamatut oqaaseqarluta torersumik pissarsiffiulluartumillu oqalliluarnissassinnik tamassi kissaappassi.